

Staatâräädi asáttâs

sämmilii šonjádáhráádist

Staatâräädi miárdás miældásávt asáttuvoo šonjádáhlaavâ (423/2022) 21 § vuáđuld:

1 §

Pargoh

Šonjádáhlaavâ (423/2022) 21 § 2 momentist uáivildum sämmilii šonjádáhráádi tiätuvuáđu pyevtitmân kyeskee eres pargoh láá:

- 1) ciälkkámušái adelem meid šonjádáhpoltiikân kyeskee eres vâldikodálijn vuáváámijn ko šonjádáhlaavâ 9—12 §:st uáivildum vuáváámijn;
- 2) tiätuvuáđu pyevtittem aalmuglii šonjádáhpoltiik vaikkuttásái árvuštállâm já čuávnum várás sâmikulttuur já sämmilij vuoigâdnuođái uáinust;
- 3) ciälkkámušái adelem sämmilij páikkikuávlun kyeskee páihálijn já kuávlulij šonjádáhvuváámijn tai šonjádáhtooimâin;
- 4) taggaar eres ko 1—3 saajeest uáivildum tiätuvuáđu pyevtittem, mii tuárju sâmikulttuur šonjádáhnuvástus hittoodmist tai šonjádáhnuvástusân vuáháduumeest.

2 §

Čuákápieijâm

Sämmilii šonjádáhráádist lii saavâjodetteijee, värisaavâjodetteijee sehe enámustáá love eres jesânid. Ucemustáá peeli šonjádáhráádi jesâinj kalgeh lede sämmilii árbivuáválii tiáđu haldášeijeh. Šonjádáhráádi eres jesâneh kalgeh ovdástid pirástiittuid tai eres šonjádáhráádi pargoi tááhust merhâšittee tiedâsuorgijd.

Saavâjodetteijee kalga ovdástid tiedâsuorgijd. Värisaavâjodetteijee kalga lede sämmilii árbivuáválii tiáđu haldášeijee.

Šonjádáhráádist kalgeh lede sämmilii árbivuáválii tiáđu haldášeijeh sämmilij páikkikuávlun jieškoduv-uv kuávlun já máhđulášvuođái mielđ jieškoduv-uv sâmikielâjuávhuin.

3 §

Asáttem já toimâpaje

Staatâräädi aasât sämmilii šonjádáhráádi saavâjodetteijee já eres jesânijđ neelji ihân häävild pirâsministeriö iávtuttásâst. Pirâsministeriö pivdá iávtuttásâid tiedâsuorgijd ovdásteijee jesânin ollâopáttuvâin, staatâ tutkâmlâjádásâin, šonjádáhráádi pargoi tááhust merhâšittee áámmát-ollâškoovlâin já Suomâ šonjádáhpanelist.

Sâmitigge valmâštâl iávtuttâs šonjádáhráádi čuákápieijâmin sämmilii árbivuáválii tiáđu haldášeijei uásild. Pirâsministeriö já sâmitigge ráđádâleh iávtuttâsâst. Ráđádâlmijn nuávditteh, mii sâmitiggeest adelum laavâ (974/1995) 9 §:st asáttuvoo.

435/2023

4 §

Toimá

Sämmiláš šonjádáhräädí väljee juávhustis värisaavájođetteijee. Šonjádáhräädí lii meridemvöldäláš, ko miäradástohámán uásálisteh saavájođetteijee tái värisaavájođetteijee lasseen ucemustáá peeli šonjádáhräädí eres jesânijn.

Šonjádáhräädí ciälkkámušah adeluvvojeh suomákielán já sämikieláid.

5 §

Jeessân toimápaje

Sämmilii šonjádáhräädí jesânin puáhtá toimáđ enámustáá kyehti toimápaje mañaluvái.

6 §

Pälkkimáávsuh

Sämmilii šonjádáhräädí jesânán máksoo ihepälkkimáksu. Saavájođetteijee pälkkimáksu lii 5 000 eurod, värisaavájođetteijee 3 000 eurod já jeessân 1 500 eurod.

7 §

Vuáimánpuáttim

Taat asáttás puátá vuáimán 1 peeivi cuáñjuimáánu 2023.

Helsingist 9.3.2023

Olgominister Pekka Haavisto

Haldáttásčällee Karin Cederlöf